

Na osnovu člana 1. i 7. Zakona o vraćanju, dodjeli i prodaji stanova (“Službene novine Federacije Bosne i Hercegovine “ broj: 28/05 i 2/08), člana 13. Zakona o principima lokalne samouprave u Federaciji Bosne i Hercegovine (“Službene novine Federacije Bosne i Hercegovine” broj: 49/06 i 51/09) i člana 25. Statuta Općine Stari Grad Sarajevo – Prečišćeni tekst (“Službene novine Kantona Sarajevo” broj 20/13), Općinsko vijeće Stari Grad Sarajevo, na 28. redovnoj sjednici održanoj dana 27.07.2023.godine, usvojilo je

ODLUKU

O IZMJENAMA I DOPUNAMA ODLUKE O DODJELI I PRODAJI STANOVA KOJIMA RASPOLAŽE OPĆINA STARI GRAD SARAJEVO

Član 1.

U Odluci o dodjeli i prodaji stanova kojima raspolaže Općina Stari Grad Sarajevo (“Službene novine Kantona Sarajevo”, broj 3/15 i 2/22), član 3, stav (1), alineja 5 mijenja se i glasi: “deficitarnim kadrovima općine.”

Član 2.

U članu 4.stav (2) mijenja se i glasi:

“ (2) Smatra se da lice nema riješeno stambeno pitanje ukoliko na području Kantona Sarajevo nema stambeni objekat u vlasništvu, ili ukoliko član njegove uže porodice (u skladu sa Porodičnim zakonom FBiH) koji je živio sa njim u odnosnom stanu na području Kantona Sarajevo nema stan ili stambeni objekt u vlasništvu.”

Član 3.

U članu 5. stav (1) tačke : “n) i nj) se brišu.”

Član 4.

U članu 5. stav (2) mijenja se i glasi:

”(2) Komisiju za bodovanje prispjelih molbi (u daljem tekstu: Komisija) imenuje Općinsko vijeće na prijedlog Općinskog načelnika, na period od šest mjeseci i broji pet članova. U sastav Komisije imenuju se 3 člana koja delegiraju zaposlenici putem sindikalne organizacije i 2 člana koja predlaže Kolegij Općinskog vijeća. Po isteku mandata izbor se ponavlja.”

Član 5.

Član 6. mijenja se i glasi:

“(1) Pravo na dodjelu stana ima uposlenik Općine koji ima najmanje 5 godina radnog staža u Općini.
(2) Ukoliko dva ili više lica, po osnovu kriterija i mjerila utvrđenih ovom Odlukom, imaju isti broj bodova, prednost na listi ima lice sa više godina radnog staža.”

Član 6.

U članu 7. stav (3) mijenja se i glasi:

”(3) Ukoliko podnosilac zahtjeva odbije manji stan, isti će se ponuditi slijedećem kandidatu sa rang liste. Podnosilac koji odbije manji stan zadržava svoje mjesto na rang listi.”

Član 7.

U članu 8. stav (2) mijenja se i glasi:

”(2) Konačan prijedlog za dodjelu stanova u skladu sa usvojenom rang listom sačinjava služba za imovinsko-pravne, geodetske poslove, katastar i stambene poslove i isti dostavlja Komisiji za stanove kojima raspolaže Općina Stari Grad Sarajevo, na razmatranje i saglasnost. Nakon dobijene saglasnosti, na ponuđene prijedloge, Služba će iste, u formi rješenja, dostaviti Općinskom vijeću na razmatranje i usvajanje.”

Član 8.

Član 9. stav (2) mijenja se i glasi:

“(2) Zahtjev za otkup stana podnosi se Općini u roku od tri mjeseca od dana dodjele stana putem nadležne Općinske službe za imovinsko-pravne, geodetske poslove, katastar i stambene poslove, koja, uz mišljenje Općinskog pravobranilaštva o zakonitosti predmetnog otkupa, prijedlog dostavlja Općinskom vijeću na razmatranje i usvajanje.”

Član 9.

Ova Odluka stupa na snagu osmi dan od dana objavljivanja u “Službenim novinama Kantona Sarajevo.”

**Predsjedavajući
Općinskog vijeća Stari Grad
Sarajevo**

Seid Škaljić

Broj:02-45-519/23
Sarajevo, juli 2023. godine